

Headline	Hantar pencalonan Royal Belum		
MediaTitle	Sinar Harian (Utara)		
Date	21 Oct 2018	Color	Full Color
Section	NEWS	Circulation	160,000
Page No	22	Readership	509,000
Language	Malay	ArticleSize	390 cm ²
Journalist	MOHAMAD HAFIZI MOHD SAID	AdValue	RM 2,732
Frequency	Daily	PR Value	RM 8,196



Hantar pencalonan Royal Belum

Bakal jadi Tapak Warisan Dunia Unesco keenam negara jika diiktiraf

MOHAMAD HAFIZI
MOHD SAID

LENGONG

Kerajaan akan menghantar dokumen pencalonan (dossier) Taman Negeri Royal Belum sebagai Tapak Warisan Dunia kepada Pertubuhan Pendidikan, Sains dan Kebudayaan Bangsa-Bangsa Bersatu (Unesco) sebelum 1 Februari 2019.

Timbalan Menteri Pelancongan, Seni dan Budaya, Muhammad Bakhtiar Wan Chik berkata, penyediaan dossier

pencalonan tersebut berjalan mengikut perancangan serta komprehensif.

“Selepas dihantar ke pejabat Unesco di Paris kita akan menunggu pihak Unesco turun ke Royal Belum bagi melakukan pemerhatian, kajian serta validasi sebelum ia diiktiraf sebagai Tapak Warisan Dunia.

“Biasanya apabila dossier pencalonan dihantar ia akan mengambil masa lebih setahun untuk pihak Unesco membuat keputusan sama ada ia diiktiraf sebagai Tapak Warisan Dunia atau tidak,” katanya dalam sidang media selepas merasmikan Hari Warisan Arkeologi Lembah Lenggong di Galeri Arkeologi Lembah Lenggong di sini, semalam.

Menurut Muhammad Bakhtiar, sekiranya Taman Negeri Royal Belum diiktiraf sebagai Tapak Warisan Dunia Unesco ia akan menjadi lokasi keenam seumpama itu selepas Taman Mulu,

Headline	Hantar pencalonan Royal Belum		
MediaTitle	Sinar Harian (Utara)		
Date	21 Oct 2018	Color	Full Color
Section	NEWS	Circulation	160,000
Page No	22	Readership	509,000
Language	Malay	ArticleSize	390 cm ²
Journalist	MOHAMAD HAFIZI MOHD SAID	AdValue	RM 2,732
Frequency	Daily	PR Value	RM 8,196



Muhammad Bakhtiar (berdiri, lima kiri) bergambar selepas merasmikan program berkenaan semalam.

Sarawak, Taman Kinabalu, Sabah, Bandaraya Melaka, George Town, Pulau Pinang dan Tapak Arkeologi Lembah Lenggong, Perak.

“Malah apa yang lebih membanggakan adalah sekiranya Royal Belum diiktiraf Unesco maka ia akan menjadi tapak warisan dunia kedua di Perak dan sudah

pasti mengharumkan nama nama negeri ini.

“Selain itu sudah pasti ekonomi penduduk di daerah Hulu Perak ini akan bertambah dengan kehadiran pelancong-pelancong luar yang lebih berkualiti kerana mereka ingin melihat dua tapak warisan dunia di sini,” katanya.

Muhammad Bakhtiar turut memaklumkan kementeriaannya juga sedang menyediakan dossier pencalonan Tapak Warisan Dunia Unesco bagi dua lokasi di Selangor iaitu, Permatang Kuarza Gombak Selangor (PKGS) dan Institut Penyelidikan Perhutanan Malaysia (FRIM).

info

Kementerian sedang menyediakan dossier pencalonan lain iaitu PKGS dan FRIM

Sementara itu, Muhammad Bakhtiar berkata, kementeriaannya melalui Jabatan Warisan Negara akan menjadikan Kompleks Galeri Arkeologi Lembah Lenggong sebagai pusat pelawat yang lebih menarik dan berinformasi.

“Permohonan ini telah dikemukakan kepada Unit Perancang Ekonomi untuk mendapatkan peruntukan bagi melaksanakan kerja-kerja menaik taraf Tapak Arkeologi Paleolitik Kota Tampan dan ruangan pameran utama Galeri Arkeologi Lembah Lenggong, pintu gerbang dan penanda kawasan,” katanya.